



BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
Council of National Minorities

Broj, 04/5-02-1514/23

Sarajevo, 18.5.2023.godine

## ZAPISNIK

### **Sa 14. sjednice Vijeća nacionalnih manjina Federacije Bosne i Hercegovine, održane 18.5.2023.godine.**

Četrnaesta sjednica Vijeća nacionalnih manjina Federacije Bosne i Hercegovine održana je 18.5.2023.godine, sa početkom u 12:00 sati.

Prisutni na sjednici su bili sljedeći članovi: Hidajeta Redžić, Džemina Zejnullahu, Dejan Piotrovski, Davor Ebner, Bruno Palestra, Mišo Ćirko, Velibor Kuvač, Violeta Džolan, Zehra Obarčanin, Alaga Suljić, Mehmed Suljić, Vladimir Lukičević, Davorka Drijenčić, Emil Bakoš, Irma Muratović.

Sjednici nisu prisustvovali: Nermin Geca, Elma Softić-Kaunitz, Admira Biberović, Emin Fafulić, Elvisa Jusić i Dervo Sejdić.

Sjednicom je predsjedavala Hidajeta Redžić, predsjedavajuća Vijeća nacionalnih manjina Federacije Bosne i Hercegovine.

**Za 14. sjednicu Vijeća nacionalnih manjina Federacije Bosne i Hercegovine predložen je sljedeći:**

### DNEVNI RED

- 1. Usvajanje Zapisnika sa 13. sjednice Vijeća nacionalnih manjina FBiH;**
- 2. Zauzimanje stava o prijedlogu za uspostavljanje Saveza nacionalnih manjina Federacije Bosne i Hercegovine;**
- 3. Tekuća pitanja.**

Hidajeta Redžić, predsjedavajuća Vijeća nacionalnih manjina Federacije Bosne i Hercegovine je stavila na glasanje predloženi Dnevni red, koji je jednoglasno usvojen.

#### **1. Usvajanje zapisnika sa trinaeste sjednice Vijeća nacionalnih manjina FBiH;**

Predsjedavajuća Vijeća je pozvala prisutne članove na glasanje o usvajanju zapisnika sa trinaeste sjednice Vijeća nacionalnih manjina, napomenuvši da ukoliko ima neko primjedbe ili sugestije da iznese iste. Kako nije bilo primjedbi, **zapisnik je jednoglasno usvojen.**

#### **2. Zauzimanje stava o prijedlogu za uspostavljanje Saveza nacionalnih manjina Federacije Bosne i Hercegovine;**

Predsjedavajuća je upoznala Vijeće da je dobila na uvid službenu zabilješku koju je sačinio zaposlenik u državnom Parlamentu, koji pruža administrativno-tehničku pomoć Vijeću nacionalnih manjina BiH, Bojan Brezo. Zabilješka se tiče sastanka koji je održan u Brčkom 6.4.2023.godine u organizaciji Misije OSCE-a i Saveza nacionalnih manjina RS. Predsjedavajuća je Vijeću pročitala pomenutu službenu zabilješku. Vijeće nacionalnih manjina

se složilo da je potrebno jačanje Vijeća nacionalnih manjina a ne osnivanje Saveza nacionalnih manjina u Federaciji. Ispred Vijeća nacionalnih manjina FBiH tom sastanku su prisustvovala Džemina Zejnullahu i Zehra Obarčanin. Džemina Zejnullahu je obavijestila Vijeće da su navodi u službenoj zabilješci neistina te da je tražila od Misije OSCE-a zapisnik sa sastanka koji još nije dobila. Ponovila je stav Vijeća na sastanku. Predsjedavajuća je predložila a Vijeće je jednoglasno donijelo:

### **ZAKLJUČAK**

**Vijeće nacionalnih manjina Federacije BiH ne podržava osnivanje Saveza nacionalnih manjina Federacije Bosne i Hercegovine. Vijeće smatra da bi Misija OSCE-a odnosno Ured Vijeća Europe u BiH trebali biti usmjereni ka pružanju podrške uspostavljanju vijeća nacionalnih manjina u onim kantonima u kojima do sada nije došlo do uspostave ovih savjetodavnih tijela nacionalnih manjina. Naime, shodno članu 7. Zakona o zaštiti prava pripadnika nacionalnih manjina („Službeni glasnik BiH“, br. 12/03, 76/05 i 93/08): „Entiteti, kantoni, gradovi i općine u BiH, u okviru svojih ovlaštenja, svojim zakonima i drugim propisima potpunije će urediti prava i obaveze koje proističu iz ovog zakona i međunarodnih konvencija kojima se uređuju pitanja od značaja za nacionalne manjine.“**

**Veći broj kantona u Federaciji BiH nije usvojio svoje propise o nacionalnim manjinama, odnosno nije uspostavio savjetodavna tijela nacionalnih manjina, te bi angažman Misije OSCE-a, odnosno Ureda Vijeća Europe u BiH trebao biti posvećen pružanju podrške punoj implementaciji već usvojenih propisa.**

**Formiranje još jednog udruženja, pa bilo ono i Savez udruženja nacionalnih manjina, po mišljenju Vijeća nacionalnih manjina FBiH ne bi značajno unaprijedilo status nacionalnih manjina, dok bi u isto vrijeme generiralo režijske, finansijsko-knjigovodstvene i druge troškove, za koje nije sigurno ko bi ih podmirivao.**

Mehmed Suljić je istakao da jedan od najvećih problema koji prate rad Vijeća nacionalnih manjina jesu i pojedini predstavnici nacionalnih manjina sa krajnjim ciljem da se Vijeća bave sobom, odnosno svojim statusom. Istakao je da Vijeće na državnom nivou bi trebalo da bude generator i pokretač svih aktivnosti za unapređenje statusa nacionalnih manjina. Mehmed Suljić je predložio i sljedeći:

### **ZAKLJUČAK**

**Sadašnji Zakoni o zaštiti prava pripadnika nacionalnih manjina na nivou države, entiteta i kantona, daju dovoljno prostora za rad i djevolavanje pripadnika nacionalnih manjina s tim da su uočene dosadašnje manjkavosti u smislu implementacije određenih članova postojećeg Zakona o zaštiti prava pripadnika nacionalnih manjina koji trebaju doživjeti izmjenu sa krajnjim ciljem da iste zakone učinimo efikasnim i učinkovitijim.**

Zaključak je usvojen jednoglasno.



BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
Council of National Minorities

---

**3. Tekuća pitanja.**

Po ovoj tački dnevnog reda nije bilo rasprave.

Sjednica je završena u 13:00 sati.

\*\*\*

**PREDSJEDAVAJUĆA VIJEĆA**

Hidajeta Redžić